

CONCELLERÍA
DE
IGUALDADE

ALCALDÍA



BASES

CONCURSO DE FOTOGRAFÍA DIXITAL E MICROVÍDEOS: 25 de novembro. Día internacional contra a violencia de xénero-2011

PREÁMBULO:

Dende 1981, as militantes en favor dos dereitos da muller conmemoran o 25 de novembro como o día contra a violencia. A data foi elixida como conmemoración do brutal asasinato en 1960 das tres irmáns Mirabal, activistas políticas da República Dominicana, por orde do gobernante dominicano Rafael Trujillo.

O 17 de decembro de 1999, a través da resolución 54/134, a Asemblea Xeral da ONU ten declarado o 25 de novembro como o Día Internacional da Eliminación da Violencia contra a Muller, ten invitado aos gobernos, as organizacións internacionais e as organizacións non gobernamentais a que organicen ao redor desa data actividades dirixidas a sensibilizar á opinión pública respecto ao problema da Violencia contra a muller.

Unha violencia cuxo obxecto é o de manter á muller nunha relación de submisión e discriminación. As vítimas de malos tratos, violacións, mutilacións xenitais, agresións económicas e psicolóxicas, asasinato, recordan as nosas sociedades unha causa pendente na historia da convivencia humana, o combate pendente pola dignidade, respecto, igualdade e liberdade da metade da poboación mundial. As mulleres non só sofren desigualdade respecto ao home, viven unha opresión milenaria e ven minguada a súa independencia e autonomía.

Con motivo desta conmemoración o Consello Municipal da Muller e maila Concellería de Igualdade do Concello de Vigo convocan o concurso de FOTOGRAFÍA DIXITAL e MICROVÍDEOS “ co fin de fomentar unha maior implicación e concienciación cidadá en contra da violencia que se exerce sobre as mulleres.

A Concellería de Igualdade poderá utilizar as obras presentadas como parte de futuras exposicións públicas, con indicación da súa autoría.

Primeira.-OBXECTO

O concurso abrangue dúas modalidades:

1) Fotografía dixital.

1) Microvídeo (non superior aos 3 minutos de duración).

CONCELLERÍA
DE
IGUALDADE

ALCALDÍA



Ambas as dúas obras versarán sobre calquera aspecto do tratamento e/ou abordaxe da Violencia de xénero.

A modo de exemplo e sen que teñan carácter excluínte, as obras presentadas poderán tratar algún ou algúns dos seguintes aspectos :

- A prevención e concienciación cidadá

- Avances producidos neste eido
- A complicidade da sociedade
- Os agresores
- Manifestacións da violencia

Segunda.- OBRIGAS E REQUISITOS DAS PERSOAS PARTICIPANTES

A) Trátase dunha convocatoria libre na que poderán participar todas aquelas persoas físicas ou xurídicas maiores de 16 anos (as/os menores de idade, no caso de seren gañadoras/es, deberán achegar autorización materna/paterna para recibir o premio).

B) Cada persoa participante, só poderá presentarse ao concurso nunha das dúas modalidades, coa presentación dunha única obra.

C) As persoas participantes deberán acreditar que reúnen os requisitos establecidos no artigo 10 da Lei 9/2007 do 13 de xuño, de subvencións de Galicia e non estar incursoas en prohibición para ser beneficiarias de subvencións das previstas nos apartados 2 e 3 do dito artigo 10, para o que se lles esixirá unha declaración responsable. Asemade, deberán acreditar que se achán ao corrente no cumprimento das súas obrigas tributarias e coa Seguridade Social e co Concello de Vigo mediante a presentación das certificacións ás que se refire o artigo 22 do R.d. 887/2006, do 21 de xullo, polo que se aproba o Regulamento da lei xeral de subvencións. Segundo o estipulado no artigo 24.4 do Regulamento da Lei Xeral de Subvencións permítese a presentación de declaración responsable (*apartado 3 do ANEXO I*).

D) Serán obrigas da persoa beneficiaria as previstas nestas bases e convocatoria e as sinaladas no artigo 11 da Lei de subvencións de Galicia.

E) As persoas participantes serán as únicas responsables fronte ao Concello de Vigo e fronte a terceiras persoas do cumprimento destas bases e dos contidos dos seus traballos en canto a esixencias legais de dereitos de autoría ou plaxios segundo as leis vixentes. Cada persoa participante, polo mero feito de participar no concurso, acepta todas e cada unha das súas bases. O Concello de Vigo queda eximido de toda a responsabilidade ante calquera reclamación que se lle puidese presentar.

CONCELLERÍA
DE
IGUALDADE

ALCALDÍA



Terceira.-ADMISIÓN

Cada participante poderá presentar **unha única obra**, nunha das dúas modalidades. As obras que se presenten no concurso **deberán estar en lingua galega**.

Se a Concellería de Igualdade detectase duplicidade nas inscricións ou nas obras, porase en contacto coa persoa inscrita para darlle a opción a elixir a obra que quere presentar ou a modalidade na que quere concursar, rexeitando o resto das opcións que non serán obxecto de valoración polo xurado.

As obras presentadas deberán ser orixinais e inéditas; non poderán ter sido exhibidas por ningún medio, incluíndo internet, nin ter participado en festivais, certames ou outro tipo de eventos; Así mesmo tampouco puideron ser presentadas con anterioridade noutros concursos segundo a lexislación vixente (Real decreto legislativo 1/96, do 12 de abril da Lei da propiedade intelectual). Certificarase este extremo coa achega do **ANEXO I** debidamente cuberto e asinado.

Cuarta.-TÉCNICAS E DIMENSIÓNS DAS OBRAS

4.A) As fotografías dixitais presentadas ao concurso deberán reunir os seguintes requisitos técnicos:

- Estar en formato jpg, tiff, png ou jpeg.
- Ter suficiente calidade para ser manipuladas, cunha resolución recomendable que poderá oscilar entre 150 a 300 píxeles de calidade, para facilitar a súa posterior manipulación así como a súa impresión en formato 30cm x 40 cm.
- Para ser admitidas ao concurso, as fotografías dixitais deberán cumprir as condicións técnicas, artísticas e/ou legais que exige a organización, reservándose o dereito a rexeitar as fotografías que non ofrezan as condicións técnicas mínimas. Aquelas que non cumpran as condicións fixadas nas bases ou aquelas que polo seu contido sexan ofensivas, sexistas ou cuestionables por razóns éticas ou legais.
- As fotografías dixitais presentaranse únicamente a través do espazo web da Concellería de Igualdade www.igualdadevigo.org/concursofotografia.

4.B) Os microvídeos presentados ao concurso deberán reunir os seguintes requisitos técnicos:

- Unha duración non superior a 3 minutos (incluíndo a cabeceira co título).
- O formato de presentación será exclusivamente en liña, o tamaño máximo do arquivo de vídeo será de 100 Mb e soportaranse a maioría de formatos dixitais: avi, mpg, flv, wmv, vob, mp4, mov e os de alta definición: mkv, ts e m2ts,etc.

CONCELLERÍA
DE
IGUALDADE

ALCALDÍA



- Para ser admitidos ao concurso, os vídeos deberán cumprir as condicións técnicas, artísticas e/ou legais que exige a organización. Esta resérvase o dereito a rexeitar os vídeos que non ofrezan as condicións técnicas mínimas para a súa proxección. Aqueles que non cumpran as condicións fixadas nas bases ou aqueles que polo seu contido sexan ofensivos, sexistas ou cuestionables por razóns éticas ou legais.

- Os microvídeo subirase únicamente a través do espazo web da Concellería de Igualdade www.igualdadevigo.org/concursovideos.

Quinta.- LOGOTIPO e LEMA

As obras orixinais deberán incluír, no lugar e forma que elixa a autor ou autor, os seguintes textos :

Lema: -Día Internacional contra a violencia de xénero. Vigo

–Título:(*para decidir pola autora ou autor da obra*).

Na modalidade de microvídeos, a autora ou o autor deberá engadir os logotipos da Concellería de Igualdade e do Consello Municipal da Muller, dispoñibles na Web: www.igualdadevigo.org

A Concellería de Igualdade resérvase a facultade de modificar ou substituír os textos indicados e os logotipos que aparezan nas obras orixinais, así como de variar as súas localizacións na composición definitiva das obras e nas posteriores exposicións públicas destas.

Sexta.- PRESENTACIÓN DAS PROPOSTAS

O sistema de inscrición e presentación das obras realizarase únicamente a través da web da Concellería de Igualdade www.igualdadevigo.org, a través dos dous espazos creados na citada web para este concurso:

www.igualdadevigo.org/concursofotografia

www.igualdadevigo.org/concursovideos

As persoas que se presenten ao concurso deberán cubrir un formulario de inscrición ao que poderán acceder desde o espazo web anteriormente citado. A/O participante garante a veracidade dos datos que achegue na citada ficha de inscrición.

Para que a inscrición sexa válida, cada participante deberá cubrir os campos designados como obrigatorios do formulario, e deberá de aceptar de forma expresa as bases fixadas pola organización.

CONCELLERÍA
DE
IGUALDADE

ALCALDÍA



Se no traballo figurase a imaxe dalgunha persoa en primeiro plano ou recoñecible, achegárase tamén autorización asinada para incluír a dita imaxe na fotografía dixital ou no microvídeo, e a súa posterior edición e no seu caso, acreditación de posuír os dereitos de autoría ou a cesión de dereitos de imaxe desta.

Sétima.- PUBLICIDADE e PRAZO DE PRESENTACIÓN

As presentes bases difundiránse a través dos medios de comunicación local e estarán a disposición das persoas interesadas na propia Concellería de Igualdade e na web municipal: www.igualdadevigo.org, unha vez aprobadas pola Xunta de Goberno Local.

O prazo da admisión das obras comeza o día 31 de outubro de 2011, e finaliza o día 20 de novembro de 2011.

Non serán admitidas as obras que se reciban con posterioridade á data indicada, calquera que sexa a causa do atraso.

Oitava.- PREMIOS

Outorgárase un premio e un accésit, por cada unha das dúas modalidades que regulan estas bases.

Do total de microvídeos e das fotografías dixitais subidas aos espazos web indicados nestas bases, o xurado decidirá o microvídeo gañador e a fotografía dixital gañadora do primeiro premio, así como a concesión de dous accésit, de ser o caso.

Primeiro premio: os premios tanto para o microvídeo gañador, como para a fotografía gañadora, consisten na entrega dun bono, por importe de **500 € (cincocentos euros)**, para a adquisición de material e/ou dispositivos de informática, imaxe e/ou son, para trocar nos establecementos comerciais indicados pola organización.

Accésit: a organización poderá outorgar **un accésit** para cada unha das dúas modalidades, en función da calidade das obras presentadas.

Os accésit consistirán nun bono por importe de **250 € (douscentos cincuenta euros)** cada ún, para a adquisición de material e/ou dispositivos de informática, imaxe e/ou son, para trocar nos establecementos comerciais indicados pola organización.

Antes de entregar o premio as persoas premiadas, a concellería de Igualdade tramitará o correspondente expediente de contrato menor de suministros de conformidade co previsto nos artigos 95,122 e 10 da Lei 30/2007 do 30 de outubro adxudicando á/s empresa/s comercial o contrato por un importe de 1.500,00 € (contía máxima prevista en concepto de premios do concurso). Unha vez autorizado e fiscalizado o contrato coa empresa ou empresas propostas, a concellería de Igualdade entregará ás persoas premiadas o correspondente bono para que poidan trocalo no establecemento comercial autorizado.

CONCELLERÍA
DE
IGUALDADE

ALCALDÍA



Os premios poderán ser declarados desertos se o xurado estima que ningún dos traballos presentados reúne as condicións e a calidade necesaria. Ademais, o xurado poderá acordar outorgar accésit a dúas obras da mesma modalidade, considerase que a calidade das obras dunha modalidade do concurso, é superior á calidade das obras presentadas noutra modalidade.

A organización resérvase o dereito de revogación dos premios concedidos, se en calquera momento posterior á súa concesión, tivese coñecemento de que a autora ou autor da obra non cumprise algunha das condicións das bases do concurso. Neste suposto o premio outorgaríase a outra das obras presentadas ou declararíase deserto, de ser o caso.

Novena.- PROPIEDAD E DESTINO DAS OBRAS PRESENTADAS AO CONCURSO.

Co envío do formulario *online* cuberto, a persoa que participa neste concurso manifesta e garante que é a única autora ou autor da fotografía dixital ou do microvídeo presentado, e que a persoa inscrita é a titular de tódolos dereitos de autoría sobre a obra que presenta ao concurso. Asemade, será responsabilidade da/o participante recabar a autorización das persoas que poidan aparecer na fotografía ou no vídeo, para a efectiva actividade que se convoca, polo que a autora ou o autor asumirá toda posible reclamación por dereitos de imaxe.

A/O participante será a/o única/o responsable legal ante calquera controversia que poida xurdir por incumprimento da lei con respecto aos dereitos de autoría polo uso de imaxes, músicas ou audios preexistentes.

Co fin de poder levar a cabo cantas accións de difusión considere necesarias a organización, todas as persoas participantes cederanlle á Concellería de Igualdade do Concello de Vigo, de forma exclusiva e con carácter gratuíto, os dereitos de comunicación pública dos traballos presentados ao concurso.

Os orixinais das obras, quedarán en propiedade da concellería de Igualdade do Concello de Vigo, que se reserva o dereito de explotación do traballo, proxección, produción, distribución, exposición, transformación ou calquera outro tratamento posterior para conmemorar o *Día Internacional contra a violencia de xénero* no ano 2011 ou en anos posteriores, ou en actividades de concienciación que poida organizar o Concello de Vigo noutras datas, con mención das súa autoras ou os seus autores. Para tal fin os/as concursantes presentarán xunto coa obra a debida autorización, polo que deberán cubrir e asinar o **Anexo I**.

O Concello de Vigo resérvase o dereito de organizar exposicións públicas con todos ou parte das obras presentadas ao concurso, en local, datas e horas que se determinarán, así como estar accesibles ao público na web municipal www.igualdadevigo.org. A concellería de Igualdade será a encargada de seleccionar as obras que se incluírán nas futuras exposicións.

Décima.- XURADO

O xurado estará formado por :

PRESIDENTA: A Concelleira de Igualdade, dona M^a Jesús Lago Rey, ou persoa na que delegue.

CONCELLERÍA
DE
IGUALDADE

ALCALDÍA



VOGAIS: Catro membras da comisión de traballo organizadora dos preparativos dos actos polo Día Internacional da Muller, creada no seo do Consello Municipal da Muller.

SECRETARÍA: A xefa do Servizo de Igualdade, dona Cristina Gómez García, con voz e sen voto.

En caso de empate resolverá o voto de calidade da presidenta do xurado.

A concelleira de Igualdade queda facultada para resolver as eventualidades que poidan xurdir e que non estean previstas nestas bases.

Como criterios para elixir as obras premiadas teranse en conta por unha banda a calidade artística da obra e a súa orixinalidade, e tamén por outra banda a súa eficacia como elemento trasmisor da mensaxe.

Décimo primeira.- PROCEDEMENTO

O procedemento para a concesión do premio será o de concorrencia competitiva que se iniciará de oficio tras a aprobación das presentes bases e convocatoria pola Xunta de Goberno Local.

O expediente de concesión do premio conterá un informe do órgano instrutor no que constará que da información que a Concellería de Igualdade ten no seu poder se desprende que as persoas beneficiarias cumpren con tódolos requisitos para acceder aos premios.

Décimo segunda.- ÓRGANOS COMPETENTES PARA A INSTRUCCIÓN E RESOLUCIÓN DO PROCEDEMENTO E PRAZO PARA A NOTIFICACIÓN DA RESOLUCIÓN

1 .A Concellería de Igualdade será a encargada da instrución do procedemento relativo ao concurso de fotografía e microvídeos polo “Día Internacional contra a violencia de xénero”, así como a Xunta de Goberno Local será o órgano competente para conceder o premio por proposta do xurado.

2. A concesión dos premios notificaráselles ás persoas que se presenten a este, no prazo de dez días a partir da data de concesión, de acordo co previsto no artigo 58 da Lei 30/1992, do 26 de novembro, de réxime xurídico das administracións públicas e do procedemento administrativo común.

3. A resolución da Xunta de Goberno Local sobre a concesión do premio esgota a vía administrativa. Contra esta poderá interpoñerse recurso de reposición ante a Xunta de Goberno Local no prazo dun mes que contará dende o día seguinte ao da súa notificación, ou ben directamente recurso contencioso-administrativo ante o Xulgado do Contencioso-Administrativo de Vigo, no prazo de dous meses desde o seguinte ao da notificación, de acordo co artigo 116 da lei 30/1992, de 26 de novembro e 8.1 e 46 da Lei reguladora da xurisdicción contencioso-administrativa.

CONCELLERÍA
DE
IGUALDADE

ALCALDÍA



VIGO



Décimo terceira.- OUTORGAMENTO DO PREMIO

O outorgamento do premio tramitarase a partir dun mes contado dende o día seguinte á súa aprobación pola Xunta de Goberno Local de non existir recurso ningún. E de existir recurso, tras seren cumpridos os prazos legais para a súa resolución.

Décimo cuarta.- TRATAMENTO DOS DATOS DE CARÁCTER PERSOAL.

Os datos das persoas que se presenten ao premio, agás no relativo a este, serán tratados e protexidos de acordo co previsto na Lei 30/1992, do 26 de novembro de réxime xurídico das administracións públicas e do procedemento administrativo común e na Lei 15/1999, do 13 de decembro, de protección de datos de carácter persoal; será responsable do seu tratamento a Concellería de Igualdade do Concello de Vigo.

As persoas beneficiarias dos presentes premios poderán exercer os dereitos de acceso, rectificación, cancelación e oposición ante a Concellería de Igualdade do Concello de Vigo.

Décimo quinta.- NORMATIVA APLICABLE.

A participación nesta convocatoria supón a aceptación das presentes bases, que se rexerán pola Lei 9/2007 do 13 de xuño, de subvencións de Galicia; a Lei 38/2003, de 17 de novembro, xeral de subvencións e o Real decreto 887/2006, do 21 de xullo, polo que se aproba o seu regulamento, nos seus preceptos básicos; a lexislación básica do estado en materia de réxime local; os preceptos non básicos da Lei 38/2003 e do Real decreto 887/2006; as Bases de execución do orzamento do Concello de Vigo para o ano 2011, as restantes normas de dereito administrativo e, no seu defecto, as normas de dereito privado.

CONCELLERÍA
DE
IGUALDADE

ALCALDÍA



ANEXO I: MODALIDADE FOTOGRAFÍA DIXITAL

“CONCURSO DE FOTOGRAFÍA E MICRO VIDEOS POLO DÍA INTERNACIONAL CONTRA A VIOLENCIA DE XÉNERO ”

“Dona/Don _____ co DNI núm.....
idade..... e enderezo.....
Cos teléfonos de contacto :

1º Declaro que a obra presentada é inédita e orixinal e non se presentou noutros concursos ou campañas e que non supón nin contén, en todo ou en parte, copia ou plaxio de obras publicadas propias ou de outros/as artistas.

2º Cedo en exclusiva e irrevogablemente, o dereito de impresión ou reprodución ou proxección total ou parcialmente, en calquera modalidade, tamaño ou soporte, así como a utilización da obra para a súa promoción publicitaria, polo que consinto á Concellería de Igualdade do Concello de Vigo para que poida facer as correspondentes modificacións ou transformacións para a súa adaptación a soportes, técnicas ou tamaños necesarios.

3º Reúno os requisitos establecidos no artigo 10 da Lei 9/2007 do 13 de xuño, de subvencións de Galicia, non estou incurso/o nas prohibicións para ser beneficiaria/o de subvencións que recollen os apartados 2 e 3 do citado artigo 10, e atópome ao corrente no cumprimento das obrigas tributarias fronte ao Estado, Comunidade autónoma, Concello de Vigo e fronte a Seguridade Social.

4º No caso de ser gañadora ou gañador do premio cedo gratuitamente e por tempo indefinido a propiedade da obra gañadora á Concellería de Igualdade do Concello de Vigo, a que se reserva todos os dereitos sobre a mesma incluído o de reprodución.

5º Na fotografía ou no microvídeo que presento

•Non figura ningunha imaxe de persoa/s en primeiro plano ou recoñecible/s.

•Figura algunha/s imaxe/s de persoa/s en primeiro plano ou recoñecible/s e por tal motivo achego en documento adxunto autorización asinada para incluír a imaxe da/s persoa/s no cartel e na súa posterior edición e, no seu caso, acreditación de posuír os dereitos de autora ou autor ou a cesión de dereitos de imaxe desta.

6º Con esta obra pretendo transmitir:.....

.....

(lugar) de de 2012

NO CASO DE SER MENOR DE IDADE

Eu,..... (nome e apelidos), co DNI núm..... declaro baixo a miña responsabilidade que, en calidade de nai, pai, titor/titora e ao ser cofecedor/a das bases, autorizo a autora/autor da obra presentada ao concurso de fotografía e micro videos polo día internacional contra a violencia de xénero convocado pola Concellería de Igualdade do Concello de Vigo, a participar no devandito concurso.

.....(lugar)..... de 2011

CONCELLERÍA
DE
IGUALDADE

ALCALDÍA



ANEXO I: MODALIDADE MICROVÍDEOS

CONCURSO DE FOTOGRAFÍA E MICRO VIDEOS POLO DÍA INTERNACIONAL CONTRA A VIOLENCIA DE XÉNERO

“Dona/Don _____ co DNI núm.....
idade..... e enderezo.....
Cos teléfonos de contacto :

1º Declaro que a obra presentada é inédita e orixinal e non se presentou noutros concursos ou campañas e que non supón nin contén, en todo ou en parte, copia ou plaxio de obras publicadas propias ou de outros/as artistas.

2º Cedo en exclusiva e irrevogablemente, o dereito de impresión ou reprodución ou proxección total ou parcialmente, en calquera modalidade, tamaño ou soporte, así como a utilización da obra para a súa promoción publicitaria, polo que consinto á Concellería de Igualdade do Concello de Vigo para que poida facer as correspondentes modificacións ou transformacións para a súa adaptación a soportes, técnicas ou tamaños necesarios.

3º Reúno os requisitos establecidos no artigo 10 da Lei 9/2007 do 13 de xuño, de subvencións de Galicia, non estou incurso/o nas prohibicións para ser beneficiaria/o de subvencións que recollen os apartados 2 e 3 do citado artigo 10, e atópome ao corrente no cumprimento das obrigas tributarias fronte ao Estado, Comunidade autónoma, Concello de Vigo e fronte a Seguridade Social.

4º No caso de ser gañadora ou gañador do premio cedo gratuitamente e por tempo indefinido a propiedade da obra gañadora á Concellería de Igualdade do Concello de Vigo, a que se reserva todos os dereitos sobre a mesma incluído o de reprodución.

5º Na fotografía ou no microvídeo que presento

- Non figura ningunha imaxe de persoa/s en primeiro plano ou recoñecible/s.
- Figura algunha/s imaxe/s de persoa/s en primeiro plano ou recoñecible/s e por tal motivo achego en documento adxunto autorización asinada para incluír a imaxe da/s persoa/s no cartel e na súa posterior edición e, no seu caso, acreditación de posuír os dereitos de autora ou autor ou a cesión de dereitos de imaxe desta.

6º Con esta obra pretendo transmitir:.....

.....

(lugar) de de 2011

NO CASO DE SER MENOR DE IDADE

Eu,..... (nome e apelidos), co DNI núm..... declaro baixo a miña responsabilidade que, en calidade de nai, pai, titor/titora e ao ser coñecedor/a das bases, autorizo a autora/autor da obra presentada ao concurso de fotografía e micro videos polo día internacional contra a violencia de xénero convocado pola Concellería de Igualdade do Concello de Vigo, a participar no devandito concurso.

.....(lugar)..... de 2011